

Recueil des chartes de l'abbaye de Stavelot-Malmedy, 208

Anno dominice incarnationis MC XL VIII. Winandus de Lemburch qui dicebatur de Turri cum suis complicitibus Stabulensem ecclesiam multis rapinis et predis molestaverat, super quo a domno Wibaldo abbate post canonicam ad satisfaciendum evocationem anathematis vinculo innodatus erat. Ordinante interim divina clementia et multiplices casus Stabulensis ecclesie miserante, subito idem Winandus decessit, nec usquam in omni Leodiensi episcopatu, metu ejusdem domni abbatis et excommunicationis, Christiano more sepeliri potuit, sed ad omnium infidelium superstitum terrorem et ad domni abbatis cujus industria hoc effecerat vel ecclesie perpetuum munimentum et honorem, Bailus que juxta Lemburch est extra muros cimiterii sepultus est. Cum tamen idem Winandus consanguineus domni Heinrici tunc Leodiensis pontificis esset, vel quia magnus erat, sui sic eum decessisse non mediocriter dolentes, cum magna humilitatis instantia, assumtis secum duobus nobiles dominis suis, Heinrico de Rupe et Heinrico de Lemburch, quorum alter, id est de Rupe, advocatus ecclesie nostre erat et alterius Heinrici amite filius, domnum abbatem et ecclesiam adeunt et ut, recepta compositione damnorum, mortuum suum christiana sepultura non privarent, suppliciter exorabant. Post multimodas igitur supplicationes, summa oblatorum ad c marchas supputata est, quam summam duo predicti nobiles domno abbati cum suis quos postea notabimus se daturos vel deservituros promiserunt. Juraverunt preterea duo dicti nobiles, quod numquam deinceps per se vel per summissam personam in fundis vel possessionibus vel libertate sua Stabulensem ecclesiam molestarent vel inquietarent. Juraverunt idem quidam de familia utrorumque, et preterea hommagium domno abbati Wibaldo fecerunt, et fidelitatem domno abbati et ecclesie juraverunt, quod deinceps in fundis vel possessionibus ejusdem ecclesie et familiam ubicumque locorum liberam et intactam ab omni injusta et indebita venatione conservarent; quod si qui eorum hanc sponsionem temerarie violarent, juraverunt se predicti duo nobiles Heinricus de Lemburch et Heinricus de Rupe a castellis et possessionibus suis alienare et exturbare, donec ablata es integro restituerent et de injuria domno abbati et ecclesie congrue satisfacerent.